

# Vlast ne voli vruće krompire

Čak i kad ne bi radili ništa drugo, sudijama Općinskog suda bi za rješavanje komunalnih predmeta trebalo 48 godina

Alma SMAJOVIĆ

Komunalni predmeti zatrpali su Općinski sud Sarajeva, koji ih sam ne može riješiti. Predsjednik Suda Goran Salihović smatra da je krajnje vrijeme da se zakonodavna i izvršna vlast uključe u ovaj problem, za čije rješavanje bi općinskim sudijama, čak i kad ne bi radili ništa drugo, treba-

lo nevjerovatnih 48 godina.

U ovoj godini na radu u Sudu je ukupno 1.025.000 komunalnih predmeta, od čega su 907.000 tužbe neplatišama, a samo 2,2 posto su parnice i krivica, dakle predmeti koje Sud treba da riješi i oni se ažuriraju. U decembru se očekuje 200-250 hiljada novih predmeta iz ove oblasti, što je nemoguće do



Goran Salihović

kraja godine i zvesti u protokol, a kamoli riješiti.

"Sud je preduzeo mjere u rješavanju ovog problema, ali one su nedovoljne i neučinkovite. Formirali smo izvršno i parnično odjeljenje van sjedišta Suda, u njima smo zaposlili 30 stručnih saradnika, te inicirali izmjenu zakona kako bi im bilo dozvoljeno da sude u ovim predmetima, pa smo rasteretili sudije. Ali, na ovaj broj predmeta, kada bi i sve sudije u BiH radili samo komunalne predmete, potrebno je deset godina da se riješe", izračunao je Salihović.

U više navrata su, navodi predsjednik Suda, tražili od vlasti da se pozabave ovim pitanjem, ali niko ne želi ozbiljno da se uključi. Pitanje je šta

## RASIPNA DRŽAVA

Goran Salihović kaže da komunalni predmet zbog duga od dvije marke državu košta 75 KM. Pa objašnjava: ako se 900 hiljada neriješenih predmeta pomnoži sa 75, dobije se 70 miliona, a sa ostalim troškovima to naraste na 150 miliona. Dodamo li i vrijednost tužbi, to je još 200 miliona. Dakle, država gubi 450 miliona KM samo zato što se ovi predmeti ne rješavaju na vrijeme.



**U Sudu čeka više od milion komunalnih predmeta**

### RJEŠENJA POSTOJE

**Prvi čovjek Općinskog suda ima odgovor na pitanje koja su moguća rješenja naplate komunalnih usluga?**

**“Formirati agenciju za potraživanja komunalnih preduzeća, koja bi bila filter za Sud, na koji bi dolazili samo sporni predmeti. Možemo razmišljati i o posebnim agencijama koje bi od komunalnih preduzeća otkupile dug i naplatile potraživanja, zatim o uvođenju medijacije. Pored toga, komunalna preduzeća bi samo ažuriranjem tužbi (netačne adrese i drugi nedostaci) omogućila da se oko 500.000 predmeta može povući. Komunalna preduzeća mogu razmisliti i o plaćanju u ratama, otpisivanju pola duga i rješenjima koja se mogu uraditi bez izmjene zakona”, kaže Salihović.**

dalje, jer Sud nema kapaciteta da prima nove predmete. Problem se prenosi i na arhivu, u kojoj je više od milion predmeta, a sve zajedno mnogo košta i državu i Sud.

Salihović zaključuje da se na ovakav način čuva socijalni mir preko leđa Suda. Zadovoljni su oni koji ne plaćaju komunalije, zatim oni kojima se potraživanja pokrivaju iz budžeta, zadovoljna je i izvršna vlast jer nema problema, a nezadovoljan je jedino Sud na kojem je, između ostalog, i zvono zbog navodnog nerada.